

15 Jun 2020
Untuk Hebahan Segera



**KENYATAAN MEDIA
ISLAMIC RELIEF MALAYSIA**

QURBANI UNTUKMU SASAR IBADAH KORBAN DI 31 BUAH NEGARA

Bangi – Selain meraikan sambutan Syawal penuh kesyukuran pada setiap tahun, umat Islam di seluruh dunia juga pasti ternanti-nanti kehadiran bulan Zulhijjah di mana di dalamnya terkandung satu ibadah agung yang telah disyariatkan sejak tahun kedua hijrah iaitu ibadah korban. Ia merupakan ibadah yang sangat dituntut di dalam Islam dan bertujuan untuk mendekatkan diri kepada Allah SWT.

Sehubungan itu, pada 1 Jun 2020 lalu, Islamic Relief Malaysia telah melancarkan kempen Qurbani Untukmu bagi memudahkan dan membuka peluang kepada masyarakat untuk melaksanakan ibadah korban melalui Islamic Relief Malaysia.

Menurut Ketua Pegawai Eksekutif Islamic Relief Malaysia, Zairulshahfuddin Zainal Abidin, pihaknya membuka penyertaan sebanyak 1,030 bahagian korban melibatkan 31 buah negara dengan sasaran dana sebanyak RM500,000.

“Seperti tahun-tahun sebelum ini, Islamic Relief secara global meneruskan program bermusim ini bagi membantu golongan sasar yang berbeza dari pejabat-pejabat lapangan kita di seluruh dunia termasuk Somalia, Filipina, Albania, Palestin dan Syria.

“Kita perlu sedar bahawa tidak semua insan berpeluang menikmati daging korban seperti kita, bahkan ada di antara mereka yang hanya merasai daging korban setahun sekali sahaja.

“Kerana itulah, saya ingin menyeru kepada anda semua untuk menyertai kempen Qurbani Untukmu ini agar golongan sasar seperti ibu tunggal, anak yatim, warga emas, fakir miskin, Orang Kelainan Upaya (OKU), pesakit kronik dan para pelarian mendapat peluang yang sama untuk merasai daging korban,” kata Zairulshahfuddin.

Katanya lagi, orang ramai yang ingin melaksanakan ibadah korban bersama Islamic Relief Malaysia boleh terus ke laman sesawang; www.islamic-relief.org.my untuk membuat pendaftaran. Harga bagi setiap penyertaan bahagian korban berbeza mengikut negara bermula daripada RM320 sehingga RM1,500.

Qurbani Untukmu

Untuk tahun 2020, lebih 3 juta penerima manfaat di seluruh dunia disasarkan bakal menerima sumbangan daging korban melibatkan 170,000 bahagian korban.

Melalui penyertaan bersama Islamic Relief Malaysia, sebanyak 1,030 bahagian korban akan diagihkan kepada penerima manfaat di 31 buah negara termasuk Malaysia.

Pakej Qurbani Untukmu yang disediakan adalah seperti berikut:

Kumpulan	Harga	Negara
A	RM320	Chad, Niger, Mali, Malawi.
B	RM430	Somalia, Kenya, Sri Lanka, Ethiopia, Nepal.
C	RM580	Bangladesh (rakyat tempatan & pelarian Rohingya), Afghanistan, Pakistan.
D	RM750	Malaysia, Sudan Selatan, Chechnya, Sudan, Filipina, India.
E	RM1,000	Yaman, Kosova, Myanmar, Afrika Selatan, Albania.
F	RM1,200	Bosnia, Macedonia, Jordan, Indonesia, Lebanon.
G	RM1,500	Syria, Syria-Turki, Palestin (Gaza)
Sedekah Qurban	Serendah RM10	Sumbangan untuk kos operasi dan pelaksanaan ibadah korban.

Mengenai Islamic Relief

Islamic Relief merupakan sebuah organisasi bantuan dan pembangunan kemanusiaan antarabangsa yang ditubuhkan pada tahun 1984 dan beribu pejabat di Birmingham, United Kingdom. Islamic Relief berkhidmat di lebih 45 buah negara dan telah membantu lebih daripada 120 juta orang sejak beroperasi. Skop bantuan Islamic Relief merangkumi bantuan kecemasan, pembangunan mampan bersepadu, pengurangan risiko bencana dan advokasi.

Mengenai Islamic Relief Malaysia

YABhg. Tun Dr. Mahathir Mohamad telah merasmikan penubuhan Islamic Relief Malaysia pada tahun 2005, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Untuk mendapatkan maklumat lanjut mengenai program kemanusiaan Islamic Relief Malaysia, sila layari laman web rasmi www.islamic-relief.org.my atau hubungi talian tetap 03-8926 3434.

Sebarang sumbangan boleh disalurkan melalui akaun berikut atas nama Islamic Relief Malaysia:

MAYBANK ISLAMIC | 5621 4270 8704

MBSB BANK | 1005 0251 0000 0166

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI atau KAD KREDIT

Zairulshahfuddin Zainal Abidin,

Ketua Pegawai Eksekutif
Islamic Relief Malaysia

- Tamat-

Dikeluarkan oleh,

Islamic Relief Malaysia-Reg No: 657354-W

**A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor**

Untuk maklumat lanjut, sila hubungi **Bahagian Komunikasi Strategik**

di talian 03-8926 3434, faks 03-8925 3434 atau

emel: Malaysia.Media@islamic-relief.org.my

Aduan atau maklum balas: feedback.irmalaysia@islamic-relief.org.my atau

WhatsApp: [+6019-630 9788](tel:+6019-630 9788)